

ՄԻՆԱՍ ՔԶ. ԵՐՁՆԿԱՅԻ ԵՒ ՄԱՐԳԱՐ ՔԶ. ԵՐՁՆԿԱՅԻ. — Մինաս քհ. 1638—1649 լս. եղած է Ս. Հրեշտակապետի վանքին. 1649ին Ս. Հրեշտակապետի վանքին ՄՁ. Թ. 234 ձեռագրերին յիշատակարանը կը յիշատակէ Մինաս երէց Երզնկացին հետեւեալ կերպով. «... այս սբ գիրքս որ է Մաշոց եւ Աղաքաւանոյց, որ ստացաւ զսա մահոտեսի Մարիամն ի հալալ ընչից իւրոց և եզ յիշատակ ի սբ քաղաքն Երուսաղէմ ի դուռն սբ Հրեշտակապետին. և որք հանդիպիք սմա, ասացէք Աձ ողորմի իւր հոգւոյն և իւր ծնաւդին, ամէն: Թվականութեան Հայոց ՌՂԸ (=1649), ի ժամանակին յայնմիկ է լուսարար սբ. Հրեշտակապետին Մինաս երէց Երզնկացին, մեղաւք լցեալ խեղճ ու լաւին, որ բազում աշխատանս կրեաց վասն նորոգութեան սբ. տաճարին, ի ներսէ և ի դրսէ. գ. տարի լուսարար կացի ի տունն սբ. Հրեշտակապետին իբրև զմի ի մշակաց կու սպասուորէի, միթէ հոգւոյս մէկ ճար լինի, ամէն եղիցի.» (Խապ. Յոց. էջ 385):

1638 ին Գալուստ գրչի ձեռքով, հաւանաբար Ս. Յակոբի վանքին մէջ ընդօրինակուած Սարգսի մը (ՄՁ. Թ. 174) ստացողն է և կը նուիրէ զայն Ս. Յակոբի վանքին հետեւեալ յիշատակարանով. «... ընդ այս փափաքաւդ եղեալ այսմ տառիս Երզնկացի Մինաս քհյն. և ստացաւ զսա ի յարգար գոյից յիշատակ հոգւոյ իւրոյ և ծնողացն իւրոց Աթանասին և Հայոցին և կողակցին Մինային. . . և եզ յիշատակ ի սբ. քաղաքն Երուսաղէմ, ի դուռն սբ. Յակոբայ...»:

1671 ին Ս. Յակոբի վանքը կ'այցելէ ուխտաւորութեամբ Երզնկացի Մարգար երէց և կը գրէ այս յիշատակարանը նոյն ձեռագրերին մէջ, «Երզնկացի մեղաւոր Մարգար երէցս յիշման արժանի առնէք. մէկ Հայր մեռ ասացէք. Աձ զձեզ բարին յիշէ. Տօլվաթ երէցկինս յիշեցէք, որ զքէմխա կապան ետ շապիկ յիշատակ (յ)երուսաղիմայ, ի դուռն սբ. Յակոբայ . . . ՌՃԻ (=1671). (Խապ. Յոց):

ՄԻՆԱՍ ՔԶ. ԱՏԱՄՊՈԼՅԻ. — 1644 ին Գրիգոր պարք. Պարոնաէրի օրով կ'այցելէ Ս. Յակոբի վանքը. ՄՁ. Թ. 1703, 1337 թուականով ձեռագիր խազգիրի կամ մանրաւունքի նուիրատուն, որ նոյն ձեռագիրին մէջ ունի հետեւեալ յիշատակարանը.